

Zeitschrift: Annalas da la Societad Retorumantscha
Herausgeber: Societad Retorumantscha
Band: 76 (1963)

Artikel: Las scoletas
Autor: Felix, Anna-Lina
DOI: <https://doi.org/10.5169/seals-226439>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Las scoletas

Igl on 1962 â betga fiars grândas undas an nossas scoletas. An general dastgainsa bagn gir ca nossas mussadras lavuran cun premura a consequenza par nossa tgossa rumàntscha. Angraztgevals eassan ear ca's vagn puspe savieu ocupar mintga scoleta cun egnà mussadra. Partge sen 33 scoletas mantanidas near sustanidas da la LR dat igl mintg'on puspe midadas.

Miaz da zarcladur vainsa savieu arver par l'amprem'eda par tres mains la scoleta a Champfèr ca e vagnida manada cun suczess da nossa mussadra *Ida Caspar*, igl unviarn mussadra a Tumegl, ca sco surmirana â savieu bagliafar an poc gis igl rumantsch da Gidegna. Uon vean quella scoleta transfurmada an egnà scoleta da sur on.

Tschelas scoletas an Gidegna ân savieu cuntinuar cun las mussadras ca datan ussa blears near plirs ons scoleta.

A la part surmirana vainsa gieù me a Surava egnà midada. Quella scoleta e vagnida manada la davosa stad da giufna *Marianna Wasescha* da Savognin a sa davent da questa parmavera ear vagnir manada sur on. An Sutselva vainsa stuvieu vurdar par egnà mussadra par Veulden. Giufna *Elsbeth Candrian* da Castrisch veva surprieu egnà plaza an egnà famiglia a Tavo. Nus vagn savieu surdar quella scoleta ad egnà mata da la vischnànca, giufna *Alice Tscharner*.

A Domat â'gl do duas midadas. Giufna *Lonny Jörg* â marido da parmavera a giufna *Antonia Derungs* da Camuns â ear banduno las scoletas. Lur plazas ân surprieu las giuvnas *Helena Guldemann* da Tregn a *Agnes Tschuor* da Sagogn.

Digls 10 tocan igls 29 da satember e vagnieu do egn curs d'antruvidamaint par mussadras da scoleta a quel â la beala tgea comunala ad Andeer. Fatg part da que curs ân 2 matas sutsilvanas, 4 sursilvanas ad egnà da Gidegna. Gido a manar igl curs ân nossas mussadras *Barbla Cavigilli* da Flem, *Anna Capadrutt* da Preaz e *Helena Michael* da Ziràn.

Igls 19 da november â la Cuminànza Mussadral Rumàntschas gieù sia radunanza anuala n tge da scola a Tusàn. Giunfra *Barbara Köhl* da Cuira â musso egn pér novas lavuretas. An quel'ocasiun â signur dr. Casaulta savieu surdar an num da la LR tres diploms a las savundantas mussadras: dunna *Lonny Abri-Jörg*, Domat, duna *Nesa Gregori-Nogler*, Bargugn a giufna *Johanna Michael*, Rotàn. Sco nova presidenta da la Cuminànza Mussadras Rumàntschas â savieu vagnir gudagnieu an plaza da giufna *Anna Capadrutt* ca e stada presidenta davent digls 1957 giufna *Barbla Cavigilli* da Flem a sco nova actuara figurescha giufna *Chatrina Stecher*, Zuoz.

Anna-Lina Felix